



MARI HAYATI

TEKA-TEKI KESELAMATAN JALAN RAYA

Jawab teka-teki di bawah.

Kemudian suaikan teka-teki dengan gambar rajah dengan betul.

Teka-teki 1

Tali terikat di kerusi,
Fungsinya sebagai penyelamat diri,
Wajib dipakai undang-undang dipatuhi,
Cuba teka apakah ini?

Teka-teki 2

Berbentuk bulat letaknya di kepala,
Ketatkan tali apabila diguna,
Penunggang motosikal wajib memakainya,
Siapa tahu cubalah teka?

Teka-teki 3

Berbelang-belang bukannya kuda,
Di atas jalan sebagai penanda,
Berhati-hati sebelum melaluinya,
Sudah berfikir marilah teka.

Teka-teki 4

Lampu ini unik sekali,
Warna bertukar silih ganti,
Setiap warna membawa erti,
Lampu apa wajib dipatuhi?

Teka-teki 5

Menjaga lalu lintas itu tugasnya,
Agar lancar perjalanan kita,
Berbaju putih segak bergaya,
Tegas dan berani, siapakah gerangnya?

